

1 YOHANES

Yohanes Ōko ðeakatō

Ẅaa Ngbā Itōme Nde Yesu Kristo.

¹ Boto botsere mi ōko gogbe i Ẅaa itōme ne mba ngbā fie ipia ta karōkasekō iso. Bonō ne, bonya ne ku anō, fie bopegu ne ana.

² Gō Ẅaa oḍi ngo nde itōme ne nse itā ngbā kayi ne, bonya wū fie boḍe ò iso ika. Bope imomo i ngbā me nna katui iso botā mi. Ẅaa bo Ōse oḍi wū ote bo fie oḍia i Ẅaa kore.

³ Nne bonya fie bonō ne, ne boto boḡere mi ne, so mi wū miabua i bo iso fie boabara sinyii ku Bo Ōse gu ò Ōbi Yesu Kristo.

⁴ Boto botsere nnegbe botā mi si bo isoḡo aayi.

Ẅaa Nde Ikpawaĩ.

⁵ Itōme ne bonō boboregu i ò Ōbi kore nde nne boto bope imomo so, Ẅaa nde ikpawaĩ, fie idududu kuiwē na i ò ame duḍuudu.

⁶ Ne oso si boḡe so boto boḍegu wū kulaa, ḡee bosì ngbā i idududu ame ne, iyo boto bosōsola so i ikade gu kurabarara ame.

⁷ ḡee si bosì ngbā i ikpawaĩ ame le kumego ò wū oḍia i ikpawaĩ ame ne, iyo boto boḍegu so kulaa fie ò Ōbi Yesu ima se ifore bo idi i ikpi biara ame.

⁸ Si boḡe so ikpi kuiwē na i bo iso ne, boto bosōsola so, iyo onukuare kuwē na i bo ame.

⁹ ḡee si bobusi bo akpi boḡere Ẅaa ne, oḍe ngo nse omōē ò kaḡekase ola fie ose obara isee, òasu

bo akpi ɔɔɔɔ ɔtse bo fie ɔ̄afore bo ɔɔi i bo ara nyanyarĩa wa ɔɔɔɔ bobara ɔɔi bo iso.

¹⁰ Si bosẽ sɔ boibara ikpi ne, boto bosu ʒaa bobara ladze iyo ɔ̄ itɔ̄me na i bo ame.

2

Yesu Kristo Nɔɔe Bo Buaidze.

¹ Wũ mabi ɔɔɔɔ, nto lotsere ɔko gɔgbe lotã mi sɔ si miibabara ikpi, ɔɔɔ si ɔrere ɔbara ikpi ne, boba ngo nse ɔtã ʒaa iti i bo kanya go ɔ̄ nɔɔe Yesu Kristo go nɔɔe ɔturi bolɔɔa.

² Fie Kristo mɔmɔ nɔɔe ngo iso bose bona bo akpi kasukatsɔ, fie iide bo are kere, ɔɔɔ kayiiso maturi ɔɔɔɔ.

³ Si boto bobara i ʒaa mmara iso ne, iyo ite sekelee sɔ boɔe wũ.

⁴ Si ɔrere ɔɔe sɔ ɔɔe wũ, ɔɔɔ ɔise ɔbara i ɔ̄ mmara iso ne, ladze i ɔnyiiɔ ɔɔe, fie ɔnukuare na i ɔ̄ ame.

⁵ ʒɔɔ ngo nse ɔmɔẽ ɔ̄ itɔ̄me ɔla ne, ɔ̄ kuɔɔe go ɔba ɔtã ʒaa ɔyi gbaã. Nne boabara fie boatsue sɔ bopia i ɔ̄ ame ngbe ne.

⁶ ɔbiara go loɔɔe sɔ ɔpia i ʒaa ame ne, ikote sɔ ɔase ngbã le kumego i Yesu Kristo ɔɔe.

Mise Ngbã I Ikpawã Ame.

⁷ Wũ manyii ɔɔɔɔ, nne loto lotsere losese mi ngbe ne, iide mmara ɔɔe miɔe, ɔɔɔ mikuere me mpia ta karɔ̄kasekɔ miɔe. Mmara kuere meɔbe nɔɔe itɔ̄me ne mionɔ koko ne.

⁸ ʒɔɔ gbaã ne, mmara me loto lotsere losese mi ngbe ne, miɔɔe miɔe, fie ɔnukuare go mpia i me ame se ɔte so i Kristo gu bo ame ɔɔɔɔ. Alaso

idududu kato ife iro fie ikpawaĩ mómó ka ito ifie koko.

⁹ Ɖbiara gó nse ɔɣe sɔ ɔpia i ikpawaĩ ame fie ɔtsiri ò ɔnyii ne, ɔkpese ɔpia i idududu ame ipe i kinio.

¹⁰ Ngó nse ɔɔɔe ò ɔnyii ne, ikpawaĩ ame ɔse, fie kuira na gó iatã ɔbo i ikpi ame.

¹¹ Ʋee ɔbiara gó lotsiri ò ɔnyii ne, ɔpia i idududu ame. Idududu ame ide ɔse, ne ɔso òise ɔtsue ngbegó ɔse ala idududu ɔbie wũ anomi.

¹² Wũ mabi ɔɔese, nto lotsere ɔko gɔgbe lotã mi alaso Ʋaa ɔosu mi akpi ɔtse i Kristo iti.

¹³ Mase, nto lotsere losese mi alaso miɣe Kristo gó mpia ta karòkasekò. Nto lotsere losese mi maporoporoi alaso miɔɔe Tsirise iso.

¹⁴ Wũ mabi, nto lotsere losese mi alaso miɣe Bo Ɖse. Mase, loto lotsere losese mi alaso miɣe Kristo gó mpia ta karòkasekò. Maporoporoi nto lotsere losese mi, alaso miba ɔle, ana ne, Ʋaa itòme pia i mi ame fie miɔɔe Tsirise iso.

¹⁵ Midaadɔe kayiiso ɣee ira biara ne nde kayiiso ire alaso si mito miɔɔe kayiiso ne, iyo miito miɔɔe Bo Ɖse.

¹⁶ Alaso ara wa ɔɔɔɔ mpia i kayiiso, ara nyanyarĩa wa i maturi ɔtere masiai, nwa i maturi se manyo fie ase akpẽ ma ɔkã gu nwa iso i maturi se makole so kato ɔɔɔɔ iibore i Bo Ɖse kore, ɣee kayiiso abore.

¹⁷ Kayiiso gu kã ara wa ɔɔɔɔ nse akpẽ maturi ɔkã ɔwi ka ɔto ɔfe, ɣee ngó nse ɔbara Ʋaa kudɔe to òase ngbã daaro daaro.

Ngɔ Nɔɔ Kristo Ɔ Tsirise Gbaã

¹⁸ Wũ mabi, kayiiso kawirikõ ɔɔro ɔɔo! Miɔe sɔ Kristo ɔ Tsirise to ɔaba, fie kinio ne, Kristo matsirise gbodzoo ɔɔba gɔ ito ite sɔ kawirikõ ɔɔbore kabo.

¹⁹ Gbaã ne, iide bo ndẽ maturi maɔe, ne ɔso fie mabɔre i bo ame ne. Si bo ndẽ maturi maɔe gbaã ne, tee makpese mapia i bo ndẽ. Ƴɛɛ mabɔre i bo ndẽ si ite sekelee sɔ ma kuwẽ iide bo ndẽ ɔwẽ.

²⁰ Ƴɛɛ Kristo ɔfedza Siwarã Bielea ɔfere mi iso, ne ɔso mi ɔɔɔɔɔ ɔe ɔnukuare.

²¹ Iide gɔ miɔe ɔnukuare ɔso loto lotsere mi ɔko gɔgbe, ɔɛɛ ala kumegɔ miɔe ɔnukuare fie miɔe sekelee sɔ sila kusiwẽ iide Itõme Bielea.

²² Nna kowũ nɔe ladze? Ɔ nɔe ngɔ nse ɔɔe sɔ iide Yesu nɔe Kristo gɔ Ƴaa ɔɔola nnoĩ. Ɔ gɔmɔ nɔe Kristo ɔ tsirise ne. Ɔ ɔɔe losẽ Ɔbi gu Ɔse ɔɔɔɔɔ ne.

²³ Ɔbiara gɔ losẽ Ɔbi ne, ɔsẽ Ƴaa ana, fie ɔbiara gɔ lofo Ɔbi ne, ɔfo Ɔse ana.

²⁴ Minyɔ kukaako sɔ nne minɔ ta karõkasekõ aawe i mi ame. Si mibara ngbɔ ne, iyɔ mito miawe i sinyii ame ku Ɔse gu Ɔbi inyɔ.

²⁵ Kristo ne, ngbã me nna katui miɔe ɔɔe ɔse sɔ ɔatã bo.

²⁶ Mma nto mabie sɔ maakɔ mi mayura ɔso fie loto lotsere ɔko gɔgbe losese mi.

²⁷ Ƴɛɛ mi ne, Kristo Siwarã dze mifo mibɔregu i ɔ kɔre pia i mi ame. Ne ɔso miibabie kuwẽ sɔ ɔte mi ara ala kumegɔ ɔ Siwarã dzegbe to site mi ira biara i ɔnukuare ame fie iide sila Siwarã siɔe ɔso. Mikelegu i katõ i sã ara ite ame miwe i ɔ ame.

Yaa Mabi Bođe

²⁸ Wũ mabi dɔese, mikelɛgu i katõ miwe i ã ame so si owi gɔ ɔɔusi ɔbɔre ne, boawo oya i ã katõ ku katetere fie kunuare iibakpẽ bo.

²⁹ Si miye so Kristo de ɔturi bɔlɔlɔa ne, ikote so miatsue so ɔbiara gɔ nse ɔbara sibɔlɔlɔ ara ne, Yaa ɔbi ɔde le Kristo.

3

¹ Minyo kudɔe wodoroa gɔ igbã i Bo ɔse ba ɔtã bo! Yaa to ɔɔɔe bo kaɔu so ɔse ɔkpere bo so ã mabi, fie gbaã ne, ã mabi bođe. Nne ɔso i kayiiso iixe bo nde so kaiye Yaa.

² Wũ manyii dɔese, kinio ne, Yaa mabi bođe, fie nne tutuutu boaba boakpese ne, iite kukaako, xe boxe so si Kristo ɔba ne, boto boase le ã, fie kumegɔ ɔse ne, ngbo boanya wũ ne.

³ ɔbiara gɔ mba oriinyo negbe i Kristo iso se ɔbara so sekelee le kumegɔ i Kristo se sekelee.

⁴ ɔbiara gɔ nse ɔbara ikpi ne, Yaa mmara iso ide ɔta oya, alaso ikpi nde Yaa mmara iso idaabara.

⁵ Miye so Kristo ne, ɔba so si ɔba ɔasu kayiiso akpi ɔkelegu, fie ã momo na ikpi kuiwẽ.

⁶ ɔbiara gɔ mpia i kulaa ame ku Kristo iise ɔkele i katõ ɔbara ikpi. Ye ɔbiara gɔ nse ɔna isoɔo i ikpi ibara ame ne, ɔinya Kristo fie ɔatsue wũ duduudu.

⁷ Midaatã kuwẽ si ɔsɔsɔla mi, wũ mabi dɔese! ɔbiara gɔ nse ɔbara isee ne, ɔturi bɔlɔlɔa ɔde le kumegɔ i Kristo se bɔlɔlɔ.

⁸ ɔbiara gɔ nse ɔbara ikpi ne, ɔbosam ore ɔde alaso ɔbosam ne, ikpi ɔse ɔbara ta karõkasekõ.

Nnegbe tutuutu ɔso i Ƴaa Ɖbi ɔba ne, so si ɔnina Ɖbosam kurabarara.

⁹ Ɖbiara go nde Ƴaa ɔbi iise ɔna isoxo i ikpi ibara ame, alaso Ƴaa nsegbai pia i ɔ̃ ame. Ɖisise ɔkele i katɔ ɔbara ikpi ala Ƴaa nde ɔ̃ ɔse.

¹⁰ Ikpaki siare ne mpia i Ƴaa mabi gu Ɖbosam mabi ndɛ nde so, ɔbiara go loise ɔbara isee, fie ɔ̃ise ɔɔɔe ɔ̃ ɔnyii ne, ɔ̃ide Ƴaa ɔbi.

Miɔɔe So

¹¹ Itɔme ne mino ta karɔkasekɔ nde so, mitã boɔɔe so.

¹² Iikote so boase le Kain go nde Tsirise ɔbi fie ɔɔɔe ɔ̃ ɔnyii. Be ɔso ɔɔɔe ɔ̃ ɔnyii? Ɖɔɔe wũ alaso ɔ̃ ɔnyii de ɔturi bololɔa xee ɔ̃ ɔɔe ɔturi lalaa.

¹³ Ne ɔso wũ manyii, idaabara mi xaa si kayiiso maturi ɔtsiri mi.

¹⁴ Boxe so boɔɔɔe i kukpi nrɔɔ ame bobo i ngbã ame, boxe ngbo alaso bose boɔɔe bo manyii. Ɖbiara go loise ɔɔɔe ɔ̃ ɔnyii pia i kukpi nrɔɔ ame kokooko.

¹⁵ Ɖbiara go lotsiri ɔ̃ ɔnyii ne, turidɔese ɔɔe, fie miɔe so turidɔese na ngbã me nna katui i ɔ̃ ame.

¹⁶ Kumego i Kristo ɔsu ɔ̃ ngbã ɔtã i bo iti lote bo nne kowũ nde kuɔɔe. Ne ɔso ikote so bo wũ boasu bo ngbã bosɔe i bo manyii ngbã iti.

¹⁷ Si ranase ɔnya so ira ɔnya ɔ̃ ɔnyii, xee iibɔe i ɔ̃ ɔtu ame so ɔ̃abuai wũ ne, nda ɔ̃abara fie ɔ̃axɔe so ɔto ɔɔɔe Ƴaa?

¹⁸ Wũ mabi, midaatã boɔɔe so ala kanya kunu, xee bo kuɔɔe si kuɔe kuɔɔe momo go loate so i kurabarara ame.

Nne Loatã Bo Katetere I Ẹaa Katõ.

¹⁹ Iki i nneḡbe ame bonya sɔ ɔnukuare mabi boḡe, fie boawe katetere i Ẹaa anɔ ne.

²⁰ Si bo ɔtu ɔtã bo ipɔ ne, boḡe sɔ Ẹaa ɔmɔ ɔḡɔ bo ɔtu fie ɔḡe ira biara.

²¹ Ne ɔso wũ manyii ḡeese, si bo ɔtu iitã bo ipɔ ne, boba katetere i Ẹaa anɔ.

²² Fie ira biara ne bose bokare bobɔreḡu i ñ kɔre ne, bose bofo, alaso boto bobara i ñ mmara iso fie bobara ñ kuḡe.

²³ Mmara me ɔtã bo nḡe sɔ bofo ñ Ɔbi Yesu Kristo boḡe si boḡe bo manyii le kumegɔ i Kristo ɔḡere bo ɔfegu.

²⁴ Ɔbiara ḡo nse ɔbara i Ẹaa mmara iso pia i Ẹaa ame fie Ẹaa ñ wũ ɔpia i ñ ame. Iki i ñ Siwarã dze ɔtã bo ame ne, boḡe sɔ Ẹaa pia i bo ame.

4

Miko Siwarã Igbã Biara Minyɔ.

¹ Wũ manyii ḡeese, midaafɔ ɔbiara ḡo loḡe sɔ Ẹaa Siwarã pia i ñ ame miḡe, ḡee mifafare minyɔ sɔ Siwarã dzemɔ ne, Ẹaa kɔre sibɔre, alaso mila kanyamaḡidze gbodzoo ka mapia i kakɔi biara.

² Ɔbiara ḡo nse ɔḡe sɔ Kristo Yesu ɔba kayiiso le ɔturi awune ne, ɔba Siwarã dze lobɔre i Ẹaa kɔre. Ɔri ḡḡbe iso miaki fie miatsue nḡo mba Siwarã dze lobɔre i Ẹaa kɔre ne.

³ Ẹee ɔbiara ḡo loḡe sɔ Yesu iiba kayi le ɔturi awune awe ne, siwarã dzemɔ iibɔre i Ẹaa kɔre, Kristo ñ tsirise sire siḡe. Minɔ sɔ siwarã dzemɔ to siaba kayiiso fie kinio ne, ka sipia i nḡbe koko.

⁴ Үе ми wũ mabi дөесе не, Үаа кӱре мибӱре фие миӱде mila kanyamađidze mamɔ iso. Alaso Үаа Siwarã dze mpia i mi ame ɔmɔ siba ɔle siđo ndze mpia i kayiiso maturi ame.

⁵ Kayiiso maturi mađe, фие масе маđe ика i kayiiso ara iso, ne ɔso kayiiso maturi се макã ma itõme atsue.

⁶ Үе бо не, Үаа mare боđe. Ɖbiara гӱ нӱе Үаа се ɔкã бо itõme atsue, фие ɔbiara гӱ loibӱре i Үаа кӱре не, ɔise ɔкã бо itõme atsue. Nnegbe boasu bonya ɔnukuare Siwarã gu mila sire bođi ite ne.

Үаа Ɖđi Kудӱе Bielea Ɖte Bo.

⁷ Wũ manyii дөесе, mitã боđӱе so alaso Үаа кӱре i кудӱе ɔбӱре. Ɖbiara гӱ nse ɔдӱе maturi ne, Үаа ɔbi ɔдӱе фие ɔӱе Үаа.

⁸ Ɖbiara гӱ loise ɔдӱе maturi iixe Үаа, alaso Үаа нде кудӱе.

⁹ Ɖri гӱ iso i Үаа ɔđi ɔ кудӱе ɔte бо нде сӱ, ɔpia ɔ Ɖbi Ɖwẽ saã kayi ame сӱ iaki i ɔ iso ne, boana ngbã ме nna katui.

¹⁰ Mitã loyere mi nne нде кудӱе. Iide kumegɔ boto боđӱе Үаа нде кудӱе, ӱе kumegɔ i ɔ ɔдӱе бо фие ɔсу ɔ Ɖbi ɔсесе бо сӱ ɔаđe ngɔ iso iaki фие boana akpi kasukatse ne, ne нде кудӱе не.

¹¹ Wũ manyii дөесе, si ngbɔ i Үаа to ɔдӱе бо не, iyo ikote сӱ боаđӱе so.

¹² Kuwẽ iinya Үаа ɔnya. Si boto боđӱе so не, iyo Үаа pia i бо ame фие ɔ кудӱе ɔyi i бо ame.

¹³ Boxe сӱ Үаа pia i бо ame фие бо wũ bopia i ɔ ame alaso ɔсу ɔ mɔmɔ Siwarã ɔpia i бо ame.

¹⁴ Boonya, fie boosu ne bope imomo boxere maturi so, Bo Ɔse ɔpia ɔ̃ Ɔbi so ɔba ɔ̃akpese Ɖidze ɔtã maturi i kayi ame.

¹⁵ Ɖbiara go nse ɔxe so Yesu ne Ƴaa Ɖbi ɔde ne, Ƴaa pia i ɔ̃ ame, fie ɔ̃ wũ ɔpia i Ƴaa ame.

¹⁶ Bo mɔmɔ xe, fie bofo kudɔe go i Ƴaa ba ɔtã bo boɔe.

Ƴaa nde kudɔe, fie ɔbiara go nse ɔɔe maturi ne, ɔpia i Ƴaa ame fie Ƴaa ana pia i ɔ̃ ame.

¹⁷ Nnɛgbe ɔso ikote so kudɔe aayi i bo ame so atɔme ixyi ne, boawe katetere, alaso bo ngbã i kayi ame ɔkotegu Kristo mire.

¹⁸ Ifɔ̃ kuiwẽ na i kudɔe ame, xee kudɔe go loyi se kusa ifɔ̃ kurera kama. Ne ɔso ngo nse ɔnigã ne, ɔ̃ kudɔe iyyi, alaso ifɔ̃ sɛgu kutsue ikpadzẽ.

¹⁹ Bose boɔe Ƴaa alaso ɔ̃ loɔe katɔ ɔɔe bo.

²⁰ Si ɔrere ɔxe so ɔse ɔɔe Ƴaa, xee ɔtsiri ɔ̃ ɔnyii ne, ladze i ɔnyii ɔe. Alaso ɔbiara go loito ɔɔe ɔ̃ ɔnyii go ɔto ɔnya ala ano ne, ɔ̃ibawo Ƴaa go ɔ̃ito ɔnya ɔɔe.

²¹ Ne ɔso mmara me i Kristo ɔtã bo nde so, ɔbiara go nto ɔɔe Ƴaa si ɔɔe ɔ̃ ɔnyii ana.

5

Bo Kafɔkaɔe Loɔe Kayi Iso.

¹ Ɖbiara go lofo ɔde so Yesu nde Kristo go i Ƴaa ɔsola nnoĩ ne, Ƴaa ɔbi ɔde, fie ɔbiara go nse ɔɔe ɔse se ɔɔe ɔbi ana.

² Ne ɔso si boto boɔe Ƴaa fie boto bobara i ɔ̃ mmara iso ne, iyo boxe so boto boɔe Ƴaa mabi ana.

³ Si bobara i Ƴaa mmara iso ne, ite so boto bodɔɛ wũ, fie ñ mmara iso ibara na ɔle.

⁴ Alaso ɔbiara go nde Ƴaa ɔbi se ɔde kayi iso. Nne bosu bode ala kayi iso nde bo kafokade.

⁵ Ngo pe loawo kayiiso ɔde nde ngo lofo ɔde so Yesu nde Ƴaa ɔbi.

Mma Nto Maɔe Aɔansie I Yesu Iso.

⁶ Yesu Kristo nde ngo loba fie bonya wũ bodji ite iki i ñ Ƴaa itupie kubarara gu ñ ima ne ɔfere i karõ iki i ñ kukpi ame. Ɖiba ku ndu kere, ɣee ndu gu ima, fie Ƴaa Siwarã momo ɔde aɔansie so gbaã ide alaso nne i Siwarã ɔɣe ne, gbaã ide.

⁷ Maɔansie ite maɔe mpia.

⁸ Ma nde Siwarã, ima gu ndu, fie ma ite ɔduɔdu aɔansie de awẽ.

⁹ Bose bofo maturi aɔansie bode, ɣee Ƴaa aɔansie ba ɔrɔrã aɔo, fie ɔsia itõme negbe ita i ñ ɔbi iso.

¹⁰ Ne ɔso ɔbiara go lofo Ƴaa ɔbi ɔde ne, ɔfo aɔansie wagbe ɔpia i ñ ɔtu ame. Ƴee ɔbiara go loifo aɔansie ɔde to ɔsia Ƴaa sila alaso ñifo aɔansie wa i Ƴaa ɔde i ñ ɔbi iso ɔde.

¹¹ Aɔansie nde so, Ƴaa ɔsu ngbã me nna katui ɔtã bo, fie ñ ɔbi ame i ngbã megbe pia.

¹² ɔbiara go lofo Ƴaa ɔbi ne, ɔba ngbã megbe, fie ɔbiara go loifo ɔbi ne, ɔna ngbã.

Miba Ngbã Me Nna Katui.

¹³ Loto lotsere oko gogbe lotã mi ma lofo Ƴaa ɔbi miɔe si mitsue so miba ngbã me nna katui.

¹⁴ Nne ɔso bosu bo iti bosia i Ƴaa iso nde so irabiara ne boakare i ñ kuɔɔe kanya ne, ɔse ɔkã bo atsue.

¹⁵ Si boxe so ose okã bo atsue i ira biara ne bose bokare wũ ame ne, iyo boxe so ira biara ne bose bokare ne, bose bofo ne i ñ kore.

¹⁶ Si mi orere onya mi onyii fodedze to obara ikpi ne loibakpadzẽ wũ ikelagu kukpi ame ne, mikparama kayi i ñ iti si Yaa aatã wũ ngbã. Ngo lobara ikpi ne loibakpadzẽ kukpi ibo itõme ide ngbe. Yee ikpi iwẽ igbã pia go iakpadzẽ kukpi ibo, iide ne igbã loto loxe so mikparama kayi.

¹⁷ Ira biara ne loikote ne, ikpi ide, yee akpi awẽ pia wa loibako oturi akelagu kukpi ame.

¹⁸ Boxe so obiara go nde Yaa obi iise okele i katõ obara ikpi, alaso Yaa Obi se odzue wũ fie Tsirise iibawo wũ ira boa kuiwẽ obara.

¹⁹ Boxe so Yaa mare bođe atoa so kayiiso odudu pia i Tsirise ole kayirino.

²⁰ Boxe so Yaa Obi obo kayiiso fie otã bono ara karõ botsue Yaa go nde onukuarese. Fie ñ go nde onukuarese gu ñ Obi Yesu Kristo ame bosì ngbã. Gbaã ne, Yaa nde nukuarese fie ose otã bo ngbã me nna katui.

²¹ Ne oso wũ mabi mirera so kama i ixosore kore.

Siwu

Siwu: Ndamu Yεε Siwu New Testament

copyright © 2008 Wycliffe Bible Translators, Inc.

Language: Siwu

Contributor: Wycliffe Bible Translators, Inc.

All rights reserved.

2025-04-26

PDF generated using Haiola and XeLaTeX on 25 Apr 2025 from source
files dated 26 Apr 2025

b5020a1a-c7b9-512a-9b46-1e462be571d4